



სსიპ საქართველოს ტექნიკური უნივერსიტეტის რექტორის  
ბრძანება

ქ. თბილისი



MES 4 22 0000892637



10/08/2022

სსიპ საქართველოს ტექნიკურ უნივერსიტეტის სადოქტორო პროგრამებზე  
ჩარიცხვის შესახებ

„უმაღლესი განათლების შესახებ“ საქართველოს კანონის, საქართველოს ტექნიკური უნივერსიტეტის (შემდგომში სტუ) დოქტორანტურის დებულებისა და სტუ-ის აკადემიური საბჭოს 2022 წლის 4 აგვისტოს N01-05-04/104 დადგენილების საფუძველზე, საქართველოს ტექნიკურ უნივერსიტეტში 2022/2023 სასწავლო წელს სადოქტორო პროგრამებზე ჩარიცხვის პროცესის ორგანიზებულად ჩატარების მიზნით

**ვ ბ რ ძ ა ნ ე ბ:**

1. გამოცხადდეს მიღება საქართველოს ტექნიკური უნივერსიტეტის სადოქტორო პროგრამების სწავლების პირველ წელზე;
2. სადოქტორო პროგრამებზე ჩარიცხვის პროცესის წარმართვა დაევალოს სტუ-ის სასწავლო პროცესების მართვის დეპარტამენტის უფროსს თ. წერეთელს;
3. სტუ-ის სადოქტორო პროგრამებზე ჩარიცხვის მსურველთა რეგისტრაცია განხორციელდეს ელექტრონულ პლატფორმაზე - register.gtu.ge ან შესაბამის ფაკულტეტზე 2022 წლის 6 სექტემბრიდან 9 სექტემბრის ჩათვლით (განცხადების ფორმა იხ. დანართში 1, რეგისტრაციისთვის საჭირო დოკუმენტაცია იხ. დანართში 2);

4. ელექტრონულ პლატფორმაზე აპლიკანტის მიერ ატვირთული საბუთების პირველადი შემოწმება დაევალოთ შესაბამისი ფაკულტეტის უფლებამოსილ პირებს (უფლებამოსილი პირების სია ფაკულტეტების მიხედვით იხ. დანართში 3);
5. ფაკულტეტებიდან დოკუმენტაციის მიღებაზე უფლებამოსილი პირის მიერ ვიზირებული განცხადებები არსებული წესის (საქმის წარმოების სისტემის (eFlow) მეშვეობით) თანახმად გადაეგზავნოს სტუ-ის საქმის წარმოების დეპარტამენტს;
6. სადოქტორო პროგრამაზე დაშვების წინაპირობის შესაბამისად (იხ. დანართი 4) გამოცდა უცხო ენაში ჩატარდეს 2022 წლის 13 სექტემბრის 10<sup>00</sup> საათიდან, სტუ-ის I კორპუსში, საგამოცდო და ელექტრონული სასწავლო რესურსების ცენტრში (დარბაზი -1, მე-6 სართული, დარბაზი - 2, პირველი სართული; კოსტავას ქ. N68),. საპრეტენზიო განცხადებების მიღება მოხდეს 2022 წლის 13 სექტემბრის 10<sup>00</sup> საათიდან 15 სექტემბრის 14<sup>00</sup> საათამდე, სტუ-ის VI კორპუსში, კოსტავას ქ. N77, მე-4 სართული, ოთახი N411ა. საბოლოო შედეგები აპელაციის გათვალისწინებით გამოქვეყნდეს 2022 წლის 16 სექტემბერს სტუ-ის ვებგვერდზე;
7. სადოქტორო პროგრამაზე დაშვების წინაპირობის (იხ. დანართი 4) შესაბამისად გასაუბრება უცხო ენაში ჩატარდეს 2022 წლის 13 სექტემბრის 11<sup>00</sup> საათიდან სტუ-ის ადმინისტრაციულ კორპუსში, კოსტავას ქ. N77 (ცენტრალურ ბიბლიოთეკაში). შედეგები გამოქვეყნდეს სტუ-ს ვებგვერდზე 2022 წლის 14 სექტემბერს;
8. გასაუბრება საფაკულტეტო დროებით კომისიებთან ჩატარდეს 2022 წლის 17 სექტემბერს 10<sup>00</sup> საათიდან. გასაუბრების შედეგები (საფაკულტეტო დროებითი კომისიის სხდომის ოქმის ამონაწერი - ჩასარიცხ აპლიკანტთა სია) გამოქვეყნდეს სტუ-ის ვებგვერდზე 2022 წლის 19 სექტემბერს. საპრეტენზიო განცხადებების მიღება მოხდეს 2022 წლის 19 სექტემბრიდან 21 სექტემბრის 14<sup>00</sup> საათამდე. საბოლოო შედეგები აპელაციის გათვალისწინებით გამოქვეყნდეს სტუ-ის ვებგვერდზე 2022 წლის 22 სექტემბერს;
9. საბოლოო შედეგების გამოქვეყნებიდან 5 სამუშაო დღის ვადაში (2022 წლის 23 სექტემბერიდან 27 სექტემბრის ჩათვლით) აპლიკანტი ვალდებულია გააფორმოს უნივერსიტეტთან აკადემიური (სასწავლო) და ადმინისტრაციული (საფინანსო) ხელშეკრულებები;
10. სტუ-ის სასწავლო პროცესების მართვის დეპარტამენტში საფაკულტეტო დროებითი კომისიების თავმჯდომარეებმა მოხსენებითი ბარათები, საფაკულტეტო დროებითი კომისიის სხდომის ოქმი (ოქმები) და აპლიკანტთა ხელშეკრულებები (რაც წარმოადგენს დოქტორანტურაში ჩარიცხვის საფუძველს) უნდა წარმოადგინონ 2022 წლის 28 სექტემბერს;
11. სასწავლო პროცესების მართვის დეპარტამენტმა 2022-2023 სასწავლო წლისათვის სტუ-ის სადოქტორო პროგრამებზე ჩასარიცხად მოამზადოს რექტორის ერთიანი ადმინისტრაციულ-სამართლებრივი აქტი (ბრძანება), არაუგვიანეს 2022 წლის 1 ოქტომბრისა;
12. კონტროლი ბრძანების შესრულებაზე დაევალოს ვიცე-რექტორს ლ. კლიმიაშვილს;
13. ბრძანება განთავსდეს სტუ-ის ვებგვერდზე;
14. ბრძანების გაცნობა დაინტერესებული პირებისთვის უზრუნველყოს საქმის წარმოების დეპარტამენტმა;

15. ბრძანება შეიძლება გასაჩივრდეს ძალაში შესვლიდან 1 (ერთი) თვის ვადაში თბილისის საქალაქო სასამართლოში (მდებარე: თბილისი, დავით აღმაშენებლის ხეივანი, მე-12 კმ. N64).

რექტორის მოადგილე  
გასიტაშვილი ზურაბ

